

ENFORMAZIUNS Y COMUNICAZIUNS

Proes dai ministronc: I ministronc è enviès a na proa en lönesc ai 5 de dezember ales 14.00, te dlijia. Chi co empara da sorvi fej endere sôa proa en dédemesaledema ai 7 de dezember, entres ales 14.00, te dlijia.

Les ciampanes: Tles domègnes d'Advënt, dō che al vën soné l'Anmaria dles 19.00, vëgnel ciámó soné dōtes les ciampanes adöm. Ares chërda y enviëia la jont al'oraziun a cïasa y te familia, y ares ò inçe simbolisé le liam dla jont tla oraziun deboriada con nosc vëscó. I enviun les families da se sonté adöm por l'oraziun.

Marcé da Nadé: Le Grup Franz Xaver enviëia bel da storje pro pal marcé da Nadé, co vën motü da jì ai 7 de dezember dales 17.00 ales 19.30 y ai 8 de dezember dales 10.30 ales 12.30 y dales 17.00 ales 19.30, te calogna baséte. Ci co vën ete va en pert al'assoziatiun „Helfen ohne Grenzen“ y inçe ala OEW.

Comun de Mareo: En vëndres ai 9 de dezember restarà i ofizi de Comun slüç.

Cianté y soné d'Advënt: En jöbia ai 8 de dezember, festa de Santa Maria Imacolada, ales 4 dômsidé, te dlijia d'La Val. Al sarà da aldi le Cor dles ères Raiëta, le Cor de Dlijia d'La Val, en grup de stromonc a fle d'La Val, le Cuartët dai Èi da Cïastel y la Oberrainer Hausmusik da Taisten. Tesé de meditaziun vën portés dant da Magdalena Miribung.

Zënter Families: Al vën organisé en curs de hockey por mituns dla elementara y mesana, bonamonter le dédölönesc dômsidé. Enformaziuns y prenotaziuns pal Zënter Families Mareo: steger.anita@rolmail.net o 349/3559244 dô les 17.00. I mituns dess sëi da jadiné.

Dessén iadedó: Susanna Kastlunger

SORVISC DAI MINISTRONC

Domègna 6.30: Martina y Peter Obwegs, Jan y Vanessa Obwegs; **10.00:** Emilie y Richard Comploi, Matias y Esther Comploi, Melani Ties y Miriam Kaneider; **18.00:** Kevin Kastlunger, Leo Kastlunger; **Lönesc 19.30:** Daniel Piazza, Philipp Erlacher, Lisa y Karen Ties; **Dédölönesc 19.30:** Jan y Anna Trebo, Davide y Sara Fontanella; **Dédemesaledema 19.30:** Gabriel Ties, Gabriel Willeit, Luca y Alice Daverda; **Jöbia 6.30:** Daniel Borroni, Peter Obwegs, Jan y Vanessa Obwegs; **10.00:** Rebecca Kastlunger, Aron Rungger, Elena Ties, Martina Kaneider, Martina Obwegs, Miriam Kaneider, Anita y Mara Kastlunger, Viktoria Frontull, Lisa Ties, Karen Ties, Simone Crusafio; **18.00:** Luca Comploi, Jasmin Triggiano, David Doria, Angelo Marku; **Vëndres 19.30:** Melani Ploner, Paula Erlacher, Melani Ties, Cindy Call; **Sabeda 18.00:** Luca y Alice Daverda, Maira Call, Asia Rungger; **Domègna 6.30:** Jan y Vanessa Obwegs; **10.00:** Peter Obwegs, Martina Kaneider, Richard y Emilie Comploi, Gabriel Willeit, Florian Palfrader, Melani Ties, Filippo Kastlunger; **18.00:** Kevin Kastlunger, Leo Kastlunger.




La plata de
Ploania

Radio Ploania: 93,00 MhZ - E-mail: ploaniaalplan@gmail.com

Secunda Domègna d'Advënt, Ann B, ai 04.12.11 - nr. 2

Dessén de Emilie Comploi



„ÈL VES BACIARÀ CON SPIRIT SANT!“

Dal vagnele do San Merch, 1, 1-8

Scomenciamont ¹dal vagnele de Gejù Crist, dal Fì de Dio: ²Al à motü man, desché al sta scrit pal profet Isaia: I te mēni mio anunziadù danfora; al dess te daori le tru. ³Na usc scraia tal desert: Arjignedi le tru al Signur! Avaliédi les strades! ⁴Ensciò ea loé sô Jan Batista tal desert y pordicà la converjiun y le bato por le pordonn dai picēs. ⁵Dôta la Iudea y duc i abitané de Ierusalem jea fora da d'ël; ai pissià sü picēs y se lascià bacé da d'ël tal Iórdann. ⁶Jan à endos en guant de polan de camel y en ciol de coran encër sü üfs, y al viea de saioç y de mì salvaria. ⁷Al encündà: Do mè nen vëgnel önn co è plü gaiërt co iu; iu ne sun nia dën da mo cüfé por ti desciolé i cialzà. ⁸Iu ves à bacé con ega, mo èl ves baciarà con Spirit Sant. *Parora dal Signur: - Lalt a té, Gejù Crist!*



Oferta por la Ploania

04.12 - Secunda Domëgna d'Advënt - Ann B

6.30: S. Mëssa dal ann por +nta Fini Comploi de Mano por +nt Albert Mutschlechner dal Pech

9.30: Corona d'Advënt

10.00: Rorate por prei vis y +nc dal comun de Mareo

18.00: S. Mëssa dal ann por +nt Pire Kaneider de Ianesc por +nc Trebo de Pire y dla fam. Talmon por vis y +nc dla fam. Hermann Trebo

Lönesc 05.12 - dla 2a edema d'Advënt: Saba, Ano, Hartwig


19.30: Rorate por +nt Friedl Ferdigg dal Pech da Mantëna

Dédölönesc 06.12 - Festa de San Mocherà: Enrica, Dionijia

19.30: Rorate por +nta Judita Palfrader de Brüscia

Dédemesaledema 07.12 - Festa de Sant'Ambroje: Vëia dla Imacolada, Gerald

18.00: Rorate por la Jonëza



Oferta por la Ploania

Jöbia 08.12 - Santa Maria dan Nadé - Imacolada

6.30: S. Mëssa por +nt Adolf Pisching de Candido por +nc Jakob y Elisabeth Erlacher

9.00: Proa dal Cor de Dlijia - degüna Corona

10.00: Rorate por la Uniun dles Ères

18.00: S. Mëssa por +nc Romano y Zilia Taibon dal Bročia por +nc Hermann Graffonara y Herbert da Roâlta, por +nta Alda Bussi

Vëndres 09.12 - dla 2a edema d'Advënt: Diego, Hanna, Pire Fourier, Liborio

15.00: Ora de oraziun y adoraziun

19.30: Rorate por le KVV y la Uniun de San Vinzenz

Sabeda 10.12 - Sancta Maria in Sabato: Angelina, Georg, Eulalia

17.00: Poscibilità da se pissié

18.00: Rorate por i Artejagn y Boteghiers

11.12 - Terza Domëgna d'Advënt - Gaudete

6.30: S. Mëssa por +nta Hilda Feichter de Valciapa por fam. Brugger - Taibon por +nta Iudita Comploi

9.00: Proa dal Cor de Dlijia - degüna Corona

10.00: Rorate por les Vocaziuns al vën tut sö i ministrón nös

14.00: Bato de Antonio Mauro

18.00: S. Mëssa 1. aniversar por +nt Otto Taibon dal Sartù por +nt Eckhard Taibon por +nta Giuseppina Huber da Plazores



Oferta d'Advënt
Adveniat - 4. Quatember


NA LIONDA DE SAN MOCHERÀ

Canche Mocherà ea vësko da Myra, êl en iade marinârs co jea con la barca sön le Mër Mediterann. En dé âl motü man da tompié. Le cì ea gnü scür y les ones splundrà altes sö por la barca, tan da scarzé la vela y gracé amez ia le lën. La barca s'emplia plan plan d'ega y chisc ëi döt spordüs â motü man da cherdé aiüt: „Dëidesse Bel Dio, ch'i ne junse nia sot!“

Fora de nia êl sön barca en foresto, co s'â motü al tomun y arvenea la barca. Al ti â ciaré a chisc ëi sprigorës y dijea: „N'orede se temëi!“ Le foresto â condüt la barca sogüda fora por le rio tomp, cina a destinaziun.

Canche i marinârs â taché jö la barca, n'ea le foresto plü egnó da odëi. Döt encontón c'è sai saltës te dljia de Myra, por rengrazié Chël Bel Dio dal aiüt che ai â ciäfë.

Enlò encuntâi le vësko Mocherà y con gran morvëia odëi che al ea êl le foresto co i â salvës. Ai s'â enslené jö dan le vësko y le rengraziâ de cör. Mocherà ti â dit: „I ne dësses nia mo rengrazié me, mo Gejù! Êl è dagnora pa os, inçe tal prigo y tal bojügn. Sc'i ëis crëta te Gejù, spo n'ëise nia plü bria da se temëi.“



Dessën de Karen Ties

FESTA DAI MINISTRONC

La terza domëgna d'Advënt ai 11 de de-zëmber gnaràl tut sö pla gran mëssa i ministrón nös. I se ralegrun che chisc mituns vën a sorvì sö da alté.

Dô mëssa è düc i ministrón, inçe chi co sorvësc belo, dër bel enviës sön calogna, por na picia festa d'Advënt. Signor Heinrich dijarà val' parora, al sarà val' da sgolose por düc y i fajarun inçe na tombola, olache an po davagné val' bel pest. Gnide düc!

Dessën de Rebecca Kastlunger



AODANZES



La comunité d'Al Plan ti aoda döt le bun, sanité y benedisciun ai geniturs **Giovanni Mauro y Elisabeth Ritsch** por la nasciüda de picio **Antonio**.